

泉川尺



漢書門				
九〇九九	一〇〇	一	二	三
類	號	函	架	冊

元 九  
二 〇  
三 九

內閣文庫	
垂號漢	9099
冊數	12 ( 1 )
函號	292 37





崇文閣書錄

權知通州事愚弟趙本敷題籤







序



淺草文庫



作史籍作志史籍  
無才學識三志方  
可此史唯志和然

崇川史門錄同三一

道光庚寅仲春月  
徐氏芸暉閣禁板



然史於歷代之紀  
綱政治治賢否以夫  
引之實錄及諸家  
傳略而致其重闕

遺志則自都邑  
邦邑以及鄉村  
市鎮據實紀事  
或徵之紀載或訪



之博雅或稱之故  
老傳以人家藏  
書或誇之碑碣  
銘勒之遺時過

境遷改不免承  
賦或仍又法其  
所終求其質  
而亦以此作志



難於心史也 故經  
通者大色常以  
歷久而未修者致  
生名蹟 故事瀝

汲不新 已為而古  
者之懷 及獨以  
純古失 意未人  
生不 然任於朝



後又未始承其傳  
仁者惜之曰非  
躬親生者之區  
倉切桑梓之私

為心跡事不特  
使一邦文獻漸  
漸滅於斯極盡  
轉中藝成子書



予奉

命 黍 日 始 牧 下 年

伊 好 思 磨 志 始

磨 百 年 期 与 始

人 去 焉 摧 而 续 修

之 焉 回 述 湫 未 及

舉 仍 合 意 淮 此 邦

邦 人 得 夫 磨 焉 坡



物者述之書出之  
翰起閩錄十二卷  
尺示公館搜閱見  
考鼓十年制度治

華風似政事與  
夫志為文行之  
現柔取結物產  
之般繁為系廣搜



博采	鈺舉	砥賦	又	能	不	之	叔	於	河	躬	不	滿	於	斂	以	史	金	即	事	蹟	舉	於	於
----	----	----	---	---	---	---	---	---	---	---	---	---	---	---	---	---	---	---	---	---	---	---	---

考	帖	中	而	而	博	有	年	泐	蹟	溼	之	此	跡	在	所	輯	才	學	聲	三	志	二	美
---	---	---	---	---	---	---	---	---	---	---	---	---	---	---	---	---	---	---	---	---	---	---	---



實擅長焉即

艾多他日續志

鳥能弓外於此

裁遂之樂得之


之序

道光三丑冬

點南園燕撰







Faint vertical text in cursive script, possibly bleed-through from the reverse side of the page.

序



周官土訓掌道地圖誦  
訓掌道方志鄭氏謂說  
地圖九州形勢山川所  
宜與說四方所識以遠



之事此州縣有志之始也廣谷大川異制民生異俗必一方自紀其形勢及久遠之事而後修志乘者得踵事而脩輯

之聖人說禮先資文獻後世史家類得數家藏稿乃彙成一家言是以博雅之士隨所聞見留心記錄考訂地域廣輪



多識前言往行以及物  
產土風為作志之嚆矢  
也通郡襟山帶海風氣  
淳樸而且偉人代出土  
多好讀書稽古文采斐

然數百年来其大端皆  
載於前志而乾隆乙亥  
重修以後垂八十載諸  
所傳聞宜有紀述且夫  
德行節義者天地之元



崇川尺牘錄三卷三  
氣也文章著述者天地  
之秀氣也古來畸人傑  
士忠臣孝子烈女節婦  
其精神耿耿不可磨滅  
雖年湮代遠編缺簡脫

而遺文軼事常有物呵  
護使不泯沒一旦出於  
煨燼之餘而付於著作  
之手良非偶然此吾友  
徐君鸞坡楊君述臣所



以掇拾叢殘由郡而及  
郡所隸之秦興如皋二  
邑并附郡之海門鄉凡  
天文地理與鄉前輩之  
言行事蹟自正史省志

洎家乘別集下逮叢書  
小說遇有一節可傳者  
靡不網羅貫串復訪諸  
故老証之同人而自為  
一書嗚呼此咫聞錄之



所為必不容已也其錄  
首載疆域形勢建置山  
川疑志乘之通例而搜  
羅宏富非擗摭往說者  
所得有次文徵錄獻徵

錄編輯尤詳則吾郡世  
家善俗明經飭行鴻文  
大篇粲然之跡具在又  
全書精力之所寄而考  
文數典者所必資也名



宦次後者錄為吾通作  
而異地名賢惠政流傳  
固將尸而祝之社而稷  
之而寓賢亦次焉列女  
錄特叙為表已旌者按

年編錄朗如列眉其州  
志漏略者補之未旌者  
依類附之則凡節全而  
無力名姓未彰者可以  
援例續書其孰不感而



興起益礪其志節而翼  
長其子孫也哉由此而  
下旁參以方伎博趣於  
仙釋曼衍於雜稽而終  
及於物產志餘識大識

小釐然具備矣觀其見  
聞賅洽體裁茂密非徒  
炫文矜博已也將出以  
供輜軒之採而備方志  
之遺其所裨益豈淺鮮



哉余故樂綜其條目而  
為之序

道光庚寅仲春月朔日  
愚弟王汝霖頓首拜撰



鄭漁仲有言大著述  
者必深於博雅而盡  
見天下之書然後無  
遺恨太史公彙上古  
以來相傳之籍兼及



百家勒成一書顧猶  
譏其博雅不足欲求  
繼起之士為之彌縫  
蓋漁仲平日喜為高  
論歷詆前人往往若

此夫天下載籍極博  
何能盡識就使異才  
聞出夜以繼日必且  
目有所未覩耳有所  
未聞且使勞精敝神



而從事於無用之地  
則雖盡見天下之書  
亦無益也然則善讀  
書者誠欲留心著述  
但求為有用之文而

已何者為有用之文  
上而珥筆承明備一  
代之掌故下而退處  
私室就所聞見筆之  
簡策使方邑之內遠



或百年近或數十年  
人物風土隨事紀載  
凡徵文考獻者皆得  
有所依據則雖不矜  
博奧而其有當於著

述之林無疑也予友  
徐君鸞坡楊君述臣  
皆有志稽古者也願  
居恆深自挹損不欲  
以博聞強識自命已



崇川尺牘金鑑序四  
而以郡中志書久未  
修輯恐遺文軼事日  
就湮沒刺取各書下  
逮公私文籍區類分  
輯若前代桂勝桂故

吳興掌故吳興備志  
之類名之曰咫聞錄  
善哉其為書也昔司  
馬溫公欲修通鑑先  
作長編漁仲引江淹



崇川尺牘金鑑序三  
之言修史之難無出  
於志誠以志者憲章  
之所繫非老於典故  
者不能為也今一郡  
之志所繫雖淺且大

端已備於前志此第  
掇拾殘賸續為補苴  
其稱名也尤小然而  
掌故所在無鉅細一  
也則郡志之有稿本



比於史家之有長編  
其為有用之言豈非  
後此削簡牘者所必  
不可廢哉或謂志書  
多出於衆手且校刊

難精譌闕必不能免  
茲雖撮舉崕略而藉  
以增損所得已復不  
少誠令作志者因此  
而博求之往復折衷



俾全體皆有所是正  
其所啓發又豈止於  
是而已哉予既深喜  
此書之成尤嘆其命  
以起聞於義有合而

益知漁仲所言未可  
遂信為確論也時  
道光八年歲次戊子  
嘉平月愚弟劉邦鼎  
石臣氏拜手序





崇川尺間錄目次  
卷一  
卷二  
卷三  
卷四

崇川尺間錄目次

卷一

形執錄第一

建置錄第二

山川錄第三

卷二

山川錄第四

卷三

文徵錄上第五

卷四



文徵錄下弟六

卷五

獻徵錄上弟七

卷六

獻徵錄中弟八

卷七

獻徵錄下弟九

卷八

方技錄第十

仙釋錄第十一

名宦錄第十二

高賢錄第十三

勝蹟錄第十四

卷九

雜稽錄第十五

卷十

列女表第十六

卷十一

物產錄第十七

卷十二



志餘錄第十八

崇川咫聞錄目次終

崇川咫聞錄卷一

置或錄弟一

馬貴與通考州治靜海有狼山後漢書志注扶海洲有  
蒔草江南通志扶海洲通州地是漢時為扶海洲也宋  
書晉安帝分廣陵立蒲濤令揚州志蒲濤通州境是晉  
時為蒲濤也通志又云本唐鹽亭場是唐時鹽亭場也  
南唐立靜海制置院後周世宗顯德五年陞靜海軍頃  
之改通州有狼山蔡港餘慶石港西塞五塞通之併州

郡人 徐縉鸞坡氏 同輯

楊廷撰述臣氏



始此宋政和七年改靜海郡天聖元年改崇州一名崇  
川尋仍爲通州元至元十五年改通州路二十六年仍  
爲州立萬戶府於州治東今狼山鎮總兵官明仍爲通  
州 國朝雍正二年改直隸通州泰興如臯海門鄉隸  
焉通州於熈德五年巡簡副使王德麟始築土城周六  
里七十弓明年贅以陶甃門有四北門僻多盜置壯健  
營鎮之及宋建隆三年初設戍樓南樓三層城上有警  
鋪政和中郡守郭凝塞北門改營爲元老廟則僅有三  
門焉甕城築於寶祐弔橋設於明初望江樓建於正德  
十二年新城建於萬秣二十六年新城以樓爲門北接

舊城延袤七百六十七丈高一丈九尺墀坵千六百七  
十堵亭障九所採劔山石代贅康熙元年伐軍山松樹  
千餘株修之今城南營房西寺後兩處渡船口是其水

關遺蹟

郡縣沿革考

古大安鎮地卽東洲也原爲海嶼沙島曾有布機流挂  
其上沙漲爲陸人民漸繁又曰東布洲崔東洲遷縣記  
云後周熈德五年析通州地爲海門縣轄地百有二十  
里元至正中以江逼徙禮安鄉明仍爲縣正德中江逾  
逼西徙餘中場已亥颶濤溺民地僅存十四里徙通州  
東四十里海門西三十里之金沙 國朝改隸揚州府



諸通有地三十七里成友謙文云海門一遷於禮安鄉  
再遷於餘東三遷於餘中嘉靖三十四年地止剩十四  
里割通州清幹鄉六里金沙一里仍爲縣按縣志輿圖  
禮安鄉在舊河新港南起初之海門尙在廖角南廖角  
又在呂四南徙金沙時以倭患始築城周五里三分高  
二丈塚高五尺門四上有戍樓窩鋪有水關 國朝康  
熙十一年城圯於海省入通州曰海門鄉李兆星云縣  
東抵料角嘴七十里元時海運從此徑達直沽夾第一  
形勝也甲寅州志云海門昔日最爲險要濤聲澎湃上  
匯江淮下吞東溟登城一眺蒼茫萬里收歸咫尺惜乎

桑田屢易失此壯觀

郡縣沿革考

漢元狩六年置臨淮郡統縣二十九海陵縣有濟川鎮  
南唐昇元初陞濟川鎮爲泰興縣縣治建於柴墟縣城  
在今縣西北四十里宋乾德中徙治延令邨卽今縣地  
紹興閒築土城今四門內大橋是其遺址元末爲張士  
誠所據明太祖擊敗士誠於馬馱沙有其地嘉靖三十  
四年築城周七里計一千三百五十三丈高二丈堞五  
尺面闊一丈基一丈六尺門五水關一濠深一丈闊五  
丈四十三年增重門於五門內萬秣二十四年增敵臺  
四十一座高二丈闊半之 國朝康熙二十五年建樓



敵臺上雍正二年以縣隸通州舊志云孤懸江址獨倚巖邑設險守土要害不在狼福以下省志云縣與靖江錯壤斜連孟瀆舟艇往來雖屬通州襟帶實揚郡屏蔽矣郡縣沿革考

左氏傳有御以如臯之語後人遂以如臯為賈大夫射雉故地好事者復傳會縣東二十里東陳鎮有賈大夫墓夾穿鑿可笑也春秋時如臯為吳鄖邑哀公十二年秋公會衛宋於鄖杜預註云鄖發揚也路史云海陵東南發繇口昔有發繇亭即今立發橋地古名發揚也縣東十里有會盟原相傳吳越會於邗溝即蟠溪地今有

邗溝鋪

按吳王夫差將北伐齊先於邗江築城開溝東北通射陽西北至末口江淮之水自此始通此

一邗溝也漢吳王濞自茱萸灣開邗溝通海陵倉達蟠溪以通運道此又一邗溝也

後漢為東陽縣地東晉分廣陵為五縣置如臯縣縣西一百五十步

有如臯港港側有如臯邨縣因名隋開皇初併入江都郡寧海中唐太和五年析為如臯場又曰如臯鎮南唐昇元元年復為縣未有城也宋慶祿中始建譙門十三年始作六門三十三年葡倭患始築城周七里總一千二百九十六丈高二丈五尺面五尺門樓四水關二濠深一丈廣十五丈延袤三千三百六十丈萬祿二十年築月城二十七年築敵臺二十三座 國朝雍正二年



屬通州省志云縣東距海掘港豐利諸鹽場棋布其間  
運鹽河自泰州東行經縣界入通州東達於呂四場其  
聯絡貫注者為串場河匪惟鹽艘所關乃設險之地也  
郡縣沿革考

明嘉靖中志載隋李諤為通州刺史唐李相容李適之  
劉晏皆通州刺史元稹為通州司馬白居易詒以詩通  
州天下悽惶地司馬人閒允長官宋洪容齋認為此地  
謂揚子通州隔僅四百里何懸絕若是不知淮南之通  
州創置於後周顯德間若隋唐之通州自在巴郡非今  
地明矣蓋後周以壽但有益部之通州後周以後乃南

北並立通州而益部無有北通州陞自金南通州則周  
世宗時所置也自隋唐及五代州境荒僻不當舟車之  
會顯德五年用兵取其地始通吳越之路而錢氏與淮  
南常相與角逐於此明初太祖與張士誠相持兵鋒大  
屢及焉嘉靖中倭寇通州由單家店趨狼山所過焚掠  
州境為之震擾以州據江海之會其地四通論其形勢  
大南北之要津也 一統志案說

通州又號小揚州以通之風土並盛著名若野客叢談  
所引白樂天詩通州海內悽惶地元微之詩折君災難  
是通州不知唐通州乃今之四川達州耳 海曲拾遺



一統志云通州海門縣沿堤有六港皆通東海潮長則盈水退則涸豈通之義耶

郡縣釋名

通州東北通遼海西南通吳越楚界通之得名以此

海

曲拾遺

通州四境東西距四百七十七里南北距一百二十里八到東至海一百九十二里西至鎮江府丹徒縣界二百八十五里南至蘇州府昭文縣界三十里北至揚州府泰州界九十里東南至海一百四十里西南至大江七里東北至海一百十里西北至泰州界一百七十里自州治至京師三千六百九十五里

乾隆府廳州縣

圖志

緝按州志云州境至京師水三千五百里陸二千

七百里南至狼山港大江口三十里江中與蘇州府

昭文縣交界八十里洪北江先生所載均未足據

泰興在州西二百四十里廣一百五十七里袤一百里

東界如臯六十里西界鎮江府丹徒十八里南界常州

府靖江三十里北界揚州府泰州六十里距江瀕海為

東南之要區如臯在州西四十五里廣一百八十里袤

一百七十三里東至海百三十里西界泰興四十里南

界蘇州府昭文縣九十里北界揚州府泰州四十里勢



歷諸島氣吞吳會 今古地里述

縉按州志云泰興在州西三百里如阜在州西北一百三十里王心言地里述所載大有錯誤

利豐監在州南樂史云古煎鹽之所宋升為監管八場曰金沙西亭石港利和餘慶呂四馬塘豐利按馬塘豐利掘港三場在如阜 乾隆府廳州縣圖志

海門以僻在海隅故名 續文獻通考

南唐徐隱君名復居石港之樵珊浦建樵珊亭與金鹵

亭相倚角 藝林蔞燭

石港一名小珠官有聖觀唐時建今廟額有唐咸通

元年建六字 藝林蔞燭

州東癸兌街市在龍津橋西北一名磨盤街鎮場棉花市最多過五里劉家渡有分鋪金沙為糧艘通商要津米市稱盛餘西鳳尾街市路有五叉金餘鎮新市為金沙餘西交界之衢通南沙北竈日漸成聚江場八甲町十甲鎮市皆徙近堤北六甲新市去呂四二十里民居小集有麒麟街十之二至泰城北有十里鋪黃橋東有如泰分界莊小市南鎮江街市又南沙小海鎮東去侯油榨六里北石港中街橋米市著名魚市大畧同呂四掘港西單店鎮市一名桃花店又名桃甸昔稱風景秀



整民物殷繁白蒲鎮一名蒲上中街為通如交界年來  
 比戶書聲士好立名不獨塵居安業甚夥雙店小市去  
 豐利十里林梓丁堰謝浦東陳臯邑所在有市販豆麥  
 雜穀及瓜芋等居多柴墟市西接季家市在口岸鎮東  
 又柴墟夕照與驥渚漁燈並為延令勝景金榜曰市可  
 觀民好惡一其賈不使志淫是在守斯土者海曲拾遺  
 北埠訛為白蒲殊可笑今人呼船僧曰埠頭蓋在通之  
 北故曰北埠昔北埠有關於開故設船僧或曰埠頭人  
 姓白曰白埠五山外史叢談錄  
 餘東城一名鳳城明嘉靖年禦倭寇圍築今已半圯高

不過文惟甄瓚四門各有譙樓尚完舊觀十場新志

呂四城一名鶴城嘉靖丁巳巡漣崔棟奏發帑金同張  
 九功監築見彭方壺子記今東山壽僅存故址半角十場新志

呂四場以純陽祖師四過其地得名先是方士攜竹  
 連環徑四寸許首尾無端嘗往來於此人因悟為雙口  
 乃呂姓其題壁詩云岳陽城外水悠悠鐵笛橫吹天上  
 秋江北江南人不識白雲黃鶴過揚州至今地產仙禽  
 丹頂綠脰異於凡類呂仙廟中夏無蚊蚋冬有花卉十場新志



形勢錄第二

通州襟江帶海三面皆距川最為要害而居人喬得無恙者南有五山排削以為砥柱東北有長堤縣互以為屏障俾水不得上與土爭實地勢崇高擅其勝也宋之初更名崇州以此又考州治舊在城南今嶽廟地即治遺址高聳特過他處其毒昔有池水踞官河及各溝港之上游蓋崇川本以是得名云

海曲拾遺

通州瀕海地也狼山在通州之南絕江南渡八十里抵常熟福山鎮順江而東至崇明沙揚帆指寧波之鎮海瞬息可到江北海防莫急於此故狼山設重鎮焉

一統

志案說

州左右五山連屬此東南百二之金湯也

今古地里述

宋高宗南渡其臣呂祉以為通州與平江崑山縣福山對岸趨順風不半日可至須預為之防於是宋置水軍

起許浦以至顧涇

周雪峯文集

吾州形勝如周官記所稱兩山之間有川長江以海為委輸江南諸山蜿蜒千里洪濤行其麓北岸則瀕淮岡巒縣互接連對峙始合兩山間造物行水不逆防之地而江都故縣沃衍蕃庶則澤國水所鍾美也地平行惟州五山挾淮瀕隱淪脈絡奠江歸海之側與江南諸山



成兩山間畜江形執州地獨高江水不嚙岷山之精上  
 為井絡發源道江連翼軫婺女光耀合漢潛洞庭彭蠡  
 巨浸朝宗與天地終始海水上潮候噓噏為畜洩安翔  
 徐回在州百里間灌漉浦鹽渠皆滿韓子謂衡山之南  
 最高橫絕南北者嶺邾之為州在嶺之上中州清淑之  
 氣盛而不過磅礴鬱積魁奇忠信材德之民當之李安  
 溪相國曰濂溪周子衡山南人也韓子言驗矣山水一  
 也吾州人物雖不及濂溪周子豈宜視江南王元美歸  
 熙甫諸人為復遜哉 遜志堂集

通州治靜海七十里今止十里宣和癸卯鹽官縣蜀山

雷山一帶沙漲而靜海並海十里內沙再毀初鹽官自  
 投名符後稍稍沙漲持此經制司差差經郎路升等措  
 置水利乃欲築長堤以捍潮執其論尤迂誕不可行 方  
氏泊宅編

通州料角嘴設營營甬沙南北相對海岸約闊一百四  
 十五里為第一重門戶狼山福山相對江面闊一百二  
 十里為第二重門戶周家橋與山相對橋北至順江洲  
 為江南分界江面約闊六七里順江洲至新洲夾江面  
 約闊七八里新洲夾至山南岸江面約闊十四五里為  
 第三重門戶 地圖條要



李燾長編宋初犯死獲貸者多配隸登州沙門島及通  
州海門島有兩處崇明鎮以居豪強難制者東布洲以  
居懦弱者皆令煮海納官至興國五年復令隸鹽亭役  
使乾隆府廳州縣圖志

泰興舊名延令一名延陵又名東陽如臯一名雉臯又  
名蟻山與通大牙相錯並為西北之衛海門舊居東洲  
去廖角七十里近徙居埭通或謂邇年新港大港諸鎮  
人烟稠密變滄為桑當卽以抵舊縣然界近崇明沙鯨  
鯢恆多肆害守是土者宜留意焉海曲拾遺

陳大科曰江北無山惟通州僅有山五點排江上所謂  
白狼山也距南關僅十五里龍脈之來未必蜿蜒若是  
至讀船無三里馬無半朝之說則又像似母乃鬼神秘  
之而重洩之與粹白裘

堪輿家言狼山面江背城不合通局宜於山左向北里  
許當路建山門一座再建樓於上向僦之庶引首掉尾  
龍氣有側轉迴抱之槩舊刻五山拱北四大字香爐峯  
下巖爾珪為碑銘以破人外向俗說夾以連絡山城地  
勢今山設新門北向郡人易崑王景獻等建海曲拾遺  
通州龍脈自西而入如文峯塔三元橋但向尾上興築  
未免尾大不掉則亟宜提舉其首乃為得勢議者謂就



奎光閣更建層樓雖不當頭而夾城映帶或可擅龍腰  
之勝又謂雲臺山頂建一高樓或建一塔首尾相望未  
為無補壽明於巽方建文昌玉皇諸祠作鎮自鑿山後  
災究與州人無益昔茗上沈明臣嘗與錢五長論及此  
後湯氏永大言之州乘資

州巽方屬劔軍兩山主通人官祿宮不宜鑿破形家言  
自壽明築新城後里之登仕版者遠不逮壽由伐劔石  
戕其靈脈所致又喬木表故國氣象所關匪細軍山向  
有古松千株為修城一伐而盡大勝地減色事也培之  
植之以俟君子州乘資

宋大觀中建樓三層於南城上名海山榜以海山遠眺  
為通八景之一也明崇正五年知州陳大對謂朱雀不  
宜昂首毀之五山外史叢談錄

通州學宮向不利於舉子宋大觀中朱彥來守乃移壯  
老營射堞不使高壓學背是科取解三人至辟雍皆上  
舍選太守學博及考官皆轉一官御筆增解額十名因  
稱為利市州錦繡萬花谷編

通州舊有河五道若琴有五絃故號琴川五山外史叢  
談錄  
明萬秣聞知州王之城伐山石建新城工竣日父老登  
高望曰新舊城執形若葫蘆因號葫蘆城五山外史叢  
談錄



顧亭林云通郡東南新城基礎易摧西北阜高於城可俯而瞰識者慮焉通為江海要轄味左腋之擁腫忘右腋之偏枯非完策也若沿海鹽場及海安諸城舊址漸次墮壞然安不忘危豈可委之榛莽沙礫中哉

郡國利病書

建置錄弟三

郡城自康熙九年脩後缺陷處人習以為徑乾隆三十五年石港分司陳洪緒奉檄重修厚其甃甃崇其雉堞東北半圍工甚牢固郡守沈雯修飾西南半圍協辦告竣三門西曰迎恩東曰寧波南曰江山

海曲拾遺

郡城內東南西南兩子城腳並建義學俱號義學城各

有土堆約長五丈高與城等脚闊丈餘面闊三尺餘歷來修城俱取土他處不敢鏟削此土良以關係城守預備不虞壽人智計周密有如此

追暑叢談

王應鳳儒學志云通之有學志不載所始陳堯重修儒學志云作於宋初宋王隨學記云先是立孔子像於城西南隅王應鳳志云太平興國時也乾興元年徙東門內創立大成殿塑孔子容洎曾閔而下侍坐左右後易木主不知何年又殿後構講堂稽古閣其即廟為學歟大觀四年植庠門建射亭改壯老營射堞未幾毀於燹紹興二年草創於州治西置齋舍二十三年復創於治



東舊址淳熙七年拓堂廡淳祐閒又毀於兵僅存禮殿  
明倫堂咸淳元年重建齋廡墻垣八年重建學齋元至  
正元年重建大成殿明正統九年建兩廡戟門櫺星門  
觀德亭成化六年重建明倫堂祭器庫置號舍宏治中  
易櫺星門以石構堂後軒及學門泮宮橋十五年闢射  
圃正德九年重建戟門神廚神鼎及名宦鄉賢祠嘉靖  
四年重建三齋九年建尊經閣增號舍敬一亭二十一  
年建志道堂天啟七年建鱣堂修泮宮龍翔鳳翥三坊  
崇正十一年改魁星閣治文津橋 國朝乾隆三十六  
年海門成文燦同弟大士捐修崇聖祠殿楹郡貢生唐

鼎捐貲重造明倫堂敬一亭尊經閣并爲堂裝飾聯額  
爲亭添設屏門爲閣廣其廊楹又創建射圃天官二亭  
修葺照亭齋房祭器庫大成正殿東西兩廡名宦鄉賢  
司祿忠孝四祠及學門首之魁星閣櫺星門外之雲程  
龍翔鳳翥坊工自乾隆丁酉孟夏經始至戊戌季冬告  
竣學宮煥然改觀褚守爲繪圖陳之大吏傅善我里足  
徵錄  
州學大成殿西有志道堂三間左右號舍十區區各五  
間葺大門儀門共四間明嘉靖二十一年巡鹽御史胡  
公植創建以居貧生後皆爲膳夫所據無復舊制州乘  
資  
通州小學宋嘉定閒訓導盧端誼建在城南卽鄭獬文



會亭舊址也持仰清池翼堂爲二齋左曰簡諒右曰謹  
信後敞直舍仍舊名曰文會書籍牀几庖溷器物略具  
立教諭學長集正春秋有考月有書旬有課督其勤惰  
而進退之歲久圯壞明嘉靖中同知舒纓復就其地創  
興學舍左右相向中設四堂持後爲門左右爲塾纓素  
與桂萼善萼屢寓書勸其設立小學并以舊所上規條  
貽之故有斯舉纓建堂成卽刻萼語於堂東壁閒規條  
云舍中延篤實長者二人平旦坐左右塾序行道出入  
每食時至日夕夾如之次爲習禮堂中繪陳祥道楊復  
禮圖曰接子禮曰童子禮曰士相見禮曰婚禮曰子事

父母禮曰婦事舅姑禮曰祀先禮曰射禮立一師掌之  
諸童子進學卽率見先生習升降拜揖坐立之節隨授  
一圖指示擘畫令其通曉閒令展習以辨雜服又次爲  
句讀堂內榜管氏弟子職次削數圖示之日講一圖次  
以孝經小學教之句讀令其粗熟仍爲講說文義約之  
入身又次爲書算堂榜六書法每日止教一兩字卽以  
四方上下自一至十若干支等名數授之又次爲聽樂  
堂內置鼓鼗笙磬投壺詩章弓矢禮樂之器或教以鼓  
節或教以歌詩或擊魯薛鼓之半以習投壺或擊魯薛  
鼓之全以習射儀四堂遍而日夾且晡矣自聽樂堂復



至書算以次至句讀至習禮皆略復舊業復於門左右  
塾以次序出行之一年頗有成效後以費用不給罷之  
旋改爲書院嘉靖三十三年毀於倭

陳魁文五山小史

縉按陳公車先生五山小史印本流傳絕罕惟錢南  
溟先生處僅存數十頁亟借歸錄之如此條所紀實  
關通郡典故閱舊志新志俱不載豈未見其書耶

廷撰按蒿庵閒話云桂萼上疏請郡縣皆建學舍當  
時未知能徧行與否通州以偏隅行之盛已惜乎行  
之不久而復毀於倭也後之數典者何可忘之

宋淳熙十年郡守蔣元肅始建貢院卽試堂西偏建三

賢堂祀諫官陳瑩中任德公及郡人張次山程文簡公  
爲作記後不知廢於何時嘉定間文惠喬公復建於州  
治之西溪紫薇舊宅光孝塔巖然表於東南魏樓公爲  
題文筆峯額後舉場埒於南徐或寓海陵寶祐乙卯始  
復試於鄉卽領宮布几席從權制也士不以爲優咸淳  
四年六月辛巳郡守馮弼新作貢院重門羅棘有堂有  
廳有廡糊名易書次舍嚴密爲間者八十有八規制大  
葡旋復毀於兵燹明代埒試泰州未有建置至國朝  
雍正二年州改直隸州守白映棠倡率各紳士卽舊察  
院改建試院東西轅門二座鼓棚二座東西官廳六間



大門三間東西耳房各一間儀門五間考房十七間捲  
軒三間東西班房四間大堂三間穿堂一間二堂三間  
東西配房二間二堂東西廂房各三間正屋五間東書  
房三間廚房二間下房三間西書房三間朝東書房三  
間又朝南小書房二間外西下房朝南三間朝東三間  
朝西廚房二間人役住房六間邑人馬宏琦有記乾隆  
中沙籍建沙字號於二門之東偏嘉慶中邑紳士復於  
大堂兩旁隙地捐建東西新文場 我里足徵錄  
雍正六年戊申學政鄧鍾岳按臨通州為新建試院按  
臨之始時丙午六月學政俞兆晟因久旱未克按通仍

珩泰州考試是考先老後文通州童生陳廷柱兩途並  
進老童發案在文案先招覆大然稟求捨老就文鄧不  
允除其名以凌某補入鄧山東聊城人辛丑殿撰 芸暉  
閣筆記

通州改直隸州後揚州府學應撥額歸通時院司延擱  
不行陸某捐費百金往返呈請始得分撥五名與太倉  
州分撥蘇額正同時乾隆二年丁巳十一月也沙童入  
籍自是考始學院為張廷璐 芸暉閣筆記  
通州應童子試者向僅五六百人近且千餘人矣舊例  
考試案座皆公葡應用臨時倉卒多有動搖駭觀者乾



隆十七年知州王繼祖始置桌櫬二百二十副編削字號用川栢木最爲堅緻日久廢壞易以杉木取材又狹筆硯卷頁難於安排里人徐鑑堂智捐貲另造堅固整齊可以經久

我里足徵錄

乾隆三十九年劄覆江蘇學政彭元瑞咨呈僑通州沙籍生員向係分額取進其考削苻茅者應否與州學一體幫補廩增等語查通州沙童考試於乾隆二十二年經學政李因培條奏於通州正額外另取文生二名經本部議覆沙童例在通州入籍考試原非異縣佔籍可比苻學政張廷璐酌量情執分額取進屆今二十年通

童與沙童俱各相安自可毋庸更張嗣後仍照舊例卽於通州額內撥與沙童二名毋庸增設等因顯准在案是沙籍童生在通應考入學後卽赴該州肄業歲科兩試同案發落與州庠士子並無岐異其有考削苻茅應行幫補廩增者自應與通州學一例幫補

學政全書

嘉慶十七年議覆江蘇巡撫朱理等奏海門廳沙籍考試情形酌定學額一摺查初設專學應按照現考人數酌量定額苻據該撫等以該廳觀風應考四百五十餘名請增設文生十五名老生八名廩增各十五名迨經覆查始據僑該廳童生在通州考試者一百六十四名



崇川尺牘金卷一  
在崇明考試者有三四十名請設文生六名老生三名廩增各四名考後數目多寡懸殊該地方官惟冀廣增學額並未覈實確計其所僱新闢沙地移居戶口堪應考試因未設額投考無門就書院月課應考者有二百餘名等語查該沙籍自南北劃分之後其新闢移居之戶果年例已符自可各歸原劃州縣考試何云投考無門至書院肄業無論本地異籍皆可應課且聚散無常其是否合例能文無憑查考未足據以定議查該處學政按臨考試通崇兩處統計人數不過二百名應請照循化廳之例定爲歲科兩試取進文童四名歲試取進

老童二名除撥通州原額文生二名老生一名外准其新設文生二名老生一名歲科兩考原劃及新闢沙童悉由海門廳錄送再該撫等僱如果將來人材蔚起與考較多再行題請增額等語查沙民皆自他處移居沙之坍漲不定該民之來去無常與江西棚民大畧相似若因其應考人數加增輒行廣額則該沙民必將原籍之人招引借來認保之生互相容隱遇考則來考畢又去頂冒跨考百弊叢生於清釐籍貫覈實取材之道大有關礙應請比照江西萬載縣棚民之例以四名作爲定額嗣後雖人數倍蓰不得輒請加增則該沙民必知



自惜其額不肯令他處跨考如應考人數漸少仍聽該學政憑文酌減寧缺無濫以重名器而免佔冒至沙籍在通州崇明取進人員合計現有四十餘名並無幫補廩增若遽設廩增各四名次屬過優次請照循化廳之例准其新設廩增各二名六年一貢新補廩生仍照例俟食餼十年後方准出貢所有從痔在通州崇明取進生員均撥該廳學管轄新設廩生未補之痔沙童初次考試卽令該生員等認保俟有廩生仍照例辦理嗣後沙籍童生永不准在通州崇明冒考通州崇明之人亦不得轉冒沙籍違者按律懲辦其新闢移居之戶未經

考試者仍令該地方官確查田廬墳墓印契確據已歷二十年者取結報明各上司立案准其入籍並照例移咨原籍不得歧考以杜弊混崇明縣訓導改爲海門廳訓導以資訓迪

學政全書

州之有書院明同知舒纓創興始爲文會學舍後改書院嘉靖閒毀於倭百餘年來無有議及此者 國朝州守董西崖始改虛皇道院爲紫琅書院但止樹其基至沈守與馬掌科保郎中秦進士諸人議捐金修葺爲講堂爲賓館爲學舍院制始具初聘泰興舊縣令吳公坦主講席撥歸公餘田分給膏火正課生員三十名童生



十五名附課生童隨數規條較葡續延湖北教諭蕭公之禮至不久輒去袁道憲鑑考定正附課程復聘原任兵科給事中山西道御史王公會翼主講席一月三課士業益勤荆守來月課與院課間行取痔削者發花紅銀五錢以示鼓勵院監卽以訓導官充之

海曲拾遺

長沙唐陶山先生守通州時翰林侍讀張涵齋先生爲院長一月兩課文風蒸蒸日上涵齋先生主通州講席最久書院肄業生登賢書入詞林者痔後二十餘人

郡乘葡採

石港場舊有宋丞相文忠烈公祠蓋丞相由高郵而通

渡海遺蹟也祠旁建忠孝書院佗於明初痔爲門中爲堂後爲寢又後爲講習所左右爲耳室崔東洲有記年久傾圮 國朝康熙三年分司楊鶴年重修增祀宋汝南范文正公易名文正書院朔望集士子會課於中迄今一百四十餘年棟梁構榑將就欹折運副秦存齋大加崇飾輪奐一新延馬中翰有章主講席加增膏火士皆淬勵於學中翰立規約訓肄業生童崇尚實學一時翕然從之存齋謀鑄石陷置講堂之壁閒會瓜代去不果規約云一羣經經文宜徧誦也痔人治經章句有刪繁之學經典識異同之文一字不敢輕爲省并微獨示



崇川尺牘金卷一  
三  
周慎也甄文志存其大體玩經文一語實爲簡而易從  
自經有數家家有數說學徒勞而少功至唐人義疏承  
魏晉後經訓惟東漢古義以降師說詳明因表章一家  
之學視疇爲儉約矣然取毛鄭詩春秋左氏傳禮記周  
官儀禮鄭注義疏最洽渙者讀之實薈萃諸家博奧之  
遺疏通證明而後能括囊大典歸於宗指學者由是仍  
苦其紛如望洋興歎必須識孔賈說經雖周秦遺書子  
史識緯術菽小學之流靡不綜貫究其歸宿不過九經  
經文彼此之辨參伍比耦俾無混淆今祇期經文字字  
成誦以治義疏推其體例將不待終卷而能自發明從

此突造自得左右逢原沿而不止上考疇漢口說單辭  
孤義僅有存者及默識自唐以後諸儒先要張之理趣  
可也畏阻之見何患不歸消釋與歐陽文忠公總算經  
字計年畢業之條當與我同人共勉之一三史全書宜  
周覽也遷固以來文字繁多讀之不徧司馬溫公所以  
有通鑑之作也然論逐事委曲記憶豈獨紀傳原文通  
鑑刪削冗長舉其大要溫公晚尙自苦太繁矣若論涉  
獵史書通達治體切於施用則馬班范三家勸善懲惡  
亞於六經通鑑實事求是較以年月雖斥其抵牾爲不  
少大有文取減省俾淺學不能昭晷旨趣者讀通鑑外



仍取三家原書反覆玩繹艱突者務極鑽研曉鬯者不廢揆索總期虛心存疑待其久而自解勿輕信後人批駁之言致生棄取閒斷除課文日期截長補短日閱一卷約二年可以一通其成誦多寡彊記詳畧視天資高下而器識必非凡見可同矣導以先路則莫若何義門學士讀書記昔蕭梁文選不敢及太史公書孟堅取贊述一二惟蔚宗兼錄論數篇恐解散史法也近代文士於三史迺有選本虞山馮定遠謂今人讀史記止是讀太史公文集文集止於行文利病史書剖判削代得失解人絕少次習之而後知耳陳承祚歐陽永叔合春秋

義例天資英敏者並治之沈休文而下當以通鑑爲要刪一四書集註宜篤信也 國初諸老於集註間持異議可采者不過數十條耳後學知之可也若從此疑集註尙多闕畧則於朱子本周邵張程荀按遠紹之旨廣何趙孔鄭保殘守闕之規開後學於無窮者必不能沈潛反復收揆討服行之效矣况並非鑽穴經史自樹一幟炫情新異掇拾餘唾隨聲附和者乎不依章句妄生穿鑿以尊師爲非義意說爲得理徐防所譏不獨漢儒爲然願與我同人慎之一制義選讀宜簡鍊也選讀簡鍊然後心潛於一久而不移漸漬浹洽有得心應手之



樂以之決科無不利矣四百年來名家之文無美不備就一家之中經史百子無體不融貫菁英之篇亦不能多讀祇取性情所近學業所到約取而孰復之然劉彥和有言青生於藍絳生於菑雖踰本色不能復化先正清醇典則之文青所藉練之藍絳所從濯之菑也使奉爲揣摩類舉彥和所謂不能復化者爲無取焉至踵事增華變本加厲朝華已披夕秀未振佗文不貴公然相襲心思才力所極自不宐爲之涯量一試帖屬辭宐雅飭也唐人試帖舊來視爲不及諸家詩集流傳之佗陶冶性靈逮 功令用之科場而後人知取法文各有體

應試之體惟謹無放耳或謂與它詩異能或謂它詩盡工而後試帖可工持論正宐參觀且命題雜出四部矢來無方不止風雲月露遺興偶成於是使應舉之士平居泛濫菽文縱觀大畧卮言日出夾在並蓄兼收旣爲博覽之一助而閒以事實摹繪工穩時類畫家之有北宋雖鴻文無範不得不考義選言斂才就法矣一積日力歐陽公吉州學記言教學之法在勉於人者勤入於人者漸古今勸學良規也不勤則翫歲愒日無勇猛精進之功不漸則未啟其端而欲揆其終未畢乎此而倏志乎彼始雖能勤其狀棄必不久然則何以勤漸交致



率一日精力以定課程務與日俱進而使精力餘於課程爲從容涵泳之地無鄰於進銳退速而已漸入尤在不以小小毀譽得失自阻而後不外慕徒業卒之用功也突收名也遠舉壽數條每日讀經三百字讀史一卷與科舉業相輔而行並非資稟所不逮顧致力何如耳一愛精神知精神之宜愛省穢而用之以紬古佗者立言之緒猶思未及也日出之光狼藉於游談無根之言於性情之說治教之科名物象數之辨不異叩槃捫籥盛年一過縱思自奮英華銷鑠不堪復用斯爲不善寶愛者矣老子曰夫惟嗇是以蚤服韓子曰嗇之者愛其

精神荀子曰目不兩視而明耳不兩聽而聰將肆力於載籍以盡其才必明於嗇之旨省讀浮華佻巧朝榮夕萎眾佗乃可以有爲一本厲志讀書莫先辨志終始及之者以志爲畢生所自持而不使移易者也厲志不獨文章然惟厲志則文章一菽養根埃實加膏希光夾不敢鹵莽從事於是器識旣殊浮競自止自待者厚所期者遠而樂受師友匡佛之益於無窮陳北溪所謂旣能立志而不自棄又能虛心而不自是殆有交進互相發者書院祀宋汝南范文正公公之建樹如醜河江以灌尋尺雖忠義滿朝廷事業滿天下猶未竟其設施不僅



如姚元之在唐沾沾以救時良相自喜則從少讀書晝夜不輟所期許者可知矣我同人景仰素切復值兩淮轉運使曾賓谷先生暨運府秦存齋先生雅意他人多方砥厲通儒學術求則得之夫何遠之有

郡乘葡採

通州社倉 國朝雍正八年設倉穀一千六百石四鄉各舉社長一人經營倉穀各四百石豐年加息歉年止收穀本行之既久名存實亡矣昔濟陽張稷若先生說社倉最爲剴切附錄於此其說云朱子社倉記言社倉利害甚悉然有不能得之於今者其時皆有賢士大夫爲之主或請官粟或發私藏如金華縣則潘叔度出家

穀五百斛建陽縣社則魏元履借穀於常平使者建昌吳氏社則吳氏兄弟發私穀四千斛爲之其法夏散之民至冬而償平歲加息什二小稔弛其半大稔盡弛之數年之後子什其母則息可遂捐此法誠善然積多歲久一不得人弊自此起矣今既無所得粟惟當於秋熟時鄉里各自結社積穀各推一人司其斂散爲長吏及鄉先生者時加獎導而不與其事大足以葡凶荒安鄉土矣

道署叢談

通州育嬰堂向在州治西康熙三年卽天妃宮改建者也十二年董事方運泰重脩後因乳婦抱嬰兒領糧多



集大殿神壽不無褻瀆住持大徹改造大殿建吞廊羣房並報功祠乾隆十九年知州王繼祖以無坐堂乳婦致嬰兒十損八九復覓堂西隙地添建大門三間官廳一座乳房二十一間今移建王家壩知州荆如棠發贖錢創興設大門一座官廳三楹東西廂房三十餘間招集乳婦比屋而居較舊育嬰堂規制爲備郡乘葡採馬有章曰周官保息之政一曰慈幼其時職方氏統計九卿生男女之數而與母與餼顧見於春秋以後蓋比閭族黨睦婣任卹之化洽其始生者書名閭史父母苟不能自育則相與周卹之不待其委棄而收養於官也

逮漢孝章元和二年詔書令諸褻妾者人賜胎養穀三斛復其夫勿算一歲俾不至委棄者意良至哉而胎養穀不擇貧富而徧給宜其僅爲當世之曠典猶不能使人皆能自育其子於是育子不能養食者廩給如律三年復箸爲令此沿至後世蕃息日眾雖時和歲豐政平吏良貧民往往委棄其所生而育嬰堂之所爲設也其法之良善赤子不棄不得乳於其母不至夭札以干天地之和且全慈父母之義可以敦風厚俗惟旣收養於堂雇下戶始媿之婦爲官乳婢授以不知誰何之男女而責其推燥居溼綽有恩慈則委瓊葡至必廣葺爲羣











